



Kev Cog Nceb Rau Saum Tej Cav Ntoo Uas Siv Cov Hmoov Ntoo

Koj tuaj yeem tsim cov nceb noj tau nyob ntawm koj qhov av tau yam yooj yim uas yog siv cov ntoo uas yog ntoo tawv thiab cov noob nceb (“cov noob” rau kev cog nceb). Yog tias koj ua raws li cov txheej txheem uas raug, koj tuaj yeem de cov nceb uas loj hlob txaus tau ntau xyoo los ntawm ib yav cav ntoo uas tau cog noob nceb rau lawm. Txoj hau kev uas tau piov qhia ntawm no yog qhov zoo tshaj plaws rau kev cog nceb shiitake tab sis yuav tuaj yeem siv tau rau lwm hom nceb ib yam nkaus thiab.



Suav sau cov ntaub ntawv uas xav tau

- **Yav ntoo tawv**—lub plawv loj dav li 3 txog 8 nti (inches) thaib ntev txog li 36 txog 40 nti. Txiaiv thiab muab cia kom tsis txhob raug tshav ntuj thiab cua ntev txog ob lub lim tiam ua ntej yuav cog noob nceb rau.
- **Cov hmoov ntoo uas tso cov qe nceb rau** (ib pound)—nrhiav cov chaw yuav qhov no hauv online los ntawm kev tshawb nrhiav “cov qe nceb.” Tsis yog txhua hom qe nceb yuav loj hlob zoo ntawm txhua hom ntoo, yog li xaiv ib hom qe nceb raws li hom cav ntoo uas koj yuav siv.
- **Tus hlau laum qhov uas siv hluav taws xob** (los sis lub txiaiv hlau hom ua kaum) uas siv ib tus hlau laum qhov uas loj li 7/16” los sis ib tus kav hlau uas tau tsim los laum qhov kom tau cov hmoov ntoo. Cov neeg uas tsim qe nceb yeej keev muag nraim cov hlau laum qhov nod.
- **Cuab yeej rau kev txhaj cov qe nceb** mus rau hauv cov qhov ntoo uas tau muab laum cia lawm—cov neeg uas tsim qe nceb yeej keev muag nraim cov cuab yeej nod.
- **Quav ciab khov** (los sis lwm cov quav ciab hom khoom noj).

- **Cov nplauv tha xim**, cov paj rwb nqus dej, los sis cov paj rwb ntsaws.
- **Cov paib uas yog hlau** los sis cov hau kaw uas yog yas.
- **Rab rauj thiab ntsia hlau.**



Cov hmoov ntoo uas tso cov qe nceb rau




Sab laug: cuab yeej rau kev txhaj cov qe nceb.

Sab xis: cov paj rwb ntsaws.

Laum qhov hauv yav cav ntoo

1. Laum cov qhov thawj kab cia sib nruv kwv yees li 4 txog 6 ntiv raws seem ntev ntawm yav cav ntoo.
2. Laum cov qhov kab txuas mus kom qis dua kab xub thawj kwv yees li 4 txog 6 ntiv thiab txav mus sab laug los sis sab xis li ntawm 2 txog 3 ntiv kom lub qhov nyob hauv kab thib ob tsis txhob sib ncaj lub qhov saum kab xub thawj. Ntxiv dua thiab, cov qhov nyob hauv kab yuav tsum tau sib nruv li ntawm 4 txog 6 ntiv. Hom qauv phiaj qhov no yog txoj hau kev zoo tshaj plaws los sau tag nrho cov cav ntoo nrog kev cog qe nceb.
3. Laum cov qhov ua kab li nod puag ncig kom thoob plaws yav cav ntoo raws li cov qauv no mus ntxiv kom txog thaum koj mus txog thawj kab dua.

Lus Cim Tseg: Kev siv lub tshuab ua kaum uas muaj ib tus hlau laum qhov rau qe nceb yuav ua rau kev laum qhov tau yooj yim thiab ua tau ceev.



Nyiaj yuav tau txais: Field and Forest Products

Muab cov qe nceb tso nqis rau hauv cov qhov uas laum tag ntawd

Muab cov hmoov ntoo uas tso qe nceb rau lawm ntawd tso rau hauv ib lub thawv kom thiaj yooj yim siv. Muab cov hmoov ntoo uas ua tej thooj tsoo kom tawg thiab ua kom cov hmoov ntoo xooob es thiaj kaw tau cov qhov yooj yim.



*Sab laug: ib lub qhov uas ntim qe nceb puv nkaus.
Sab xis: ib lub qhov uas muab cia leem kaw rau.*

Ntxiv cov qe nce mus rau txhua lub qhov tso kom qis dua daim npoo tawv ntoo (txhob cia phwj tawm los). Cov cuab yeej uas cov neeg tsim qe nceb ntawd muag mas haum zoo rau txoj hauj lwm no, los sis koj tuaj yeem tsim koj tus kheej cov txheej txheem rau kev ntim cov qe nceb rau hauv cov qhov tau.

Muab cov quav ciab los leem kaw cov qhov uas puv lawm ntawd rau

Kev muab cov quav ciab leem kaw cov qhov uas puv lawm yog ib qho tseem ceeb los tiv thaiv kom txhob muab kab noj thiab kom txhob qhuav.

1. Ua kom cov quav ciab khov yaj. Khaws cov quav ciab uas yaj lawm cia ze rau qhov chaw uas koj yuav muab lub qhov kaw kom thiaj muab tau yooj yim. Ib lub lauj kaub qub los sis lub qhov cub kuj yuav siv tau zoo rau qhov no.
2. Siv cov txhuam plev xim, daim paj rwb nqus dej, los sis cov paj rwb ntsaws, los npog txhua lub qhov nrog cov quav ciab uas yaj lawm.
3. Siv cov quav ciab uas yaj lawm ntawd koj mus plev rau txhua tog ntoo uas txiav raws ob sab, tab sis tsis txhob kaw ob tog kawg.

Sau hnuv tim thiab hom qe nceb uas tau cog ntaud rau hauv daim ntawv

Sau hnuv tim uas koj tau cog qe nceb rau hauv yav cav ntoo thiab hom qe nceb rau ntawm daim hlau cim npe los sis cov hau yas npog. Ntaus ntsiav hlau rau ntawm no kom txog pem kawg ntawm yav cav ntoo.

Muab yav cav ntoo tso rau qhov chaw uas zoo tshaj plaws

Muab cov cav ntoo uas tau cog nqe nceb rau lawm ntaud txhob muab npog thiab tso kom siab dua npoo av nyob rau hauv ib qho chaw ntxoov ntxoo, txhob cia raug tshav kub thiab cua. Qhov ua li no yuav pab pov thaiv kom cov cav ntoo txhob qhuav.

Tom qab li 12 lub hlis, ces cov cav ntoo yuav pib tuaj cov nceb lawm. Kev tsau cov cav ntoo hauv dej ntev txog li 24 teev yuav txhawb kom tsim cov nceb tuaj ntau dua.



Nyiaj yuav tau txais: Cornell Small Farms Program

Kawm paub ntau ntxiv



Koj tuaj yeem saib cov yeeb yaj kiab qhia cov txheej txheem los ntawm kev luam theej duab rau tus QR code no los sis los ntawm kev mus saib ntawm

woodlandinfo.org/learn/grow-and-gather/mushrooms-on-logs-using-sawdust-spawn.



Koj puas muaj cov ntsaws es tsis txhob siv cov hmoov ntoo? Nyeem thiab saib peb cov lus qhia txog kev tsim cov ntsaws los ntawm kev luam theej duab rau tus QR code no los sis los ntawm kev mus saib tau ntawm

woodlandinfo.org/learn/grow-and-gather/mushrooms-on-logs-using-plug-spawn.

Tus Neeg Sau:

Bill Klase, UW–Madison Extension Tus Kws Kawm Paub Txog Tej Peev Txheej Nruab Zoov Nruab Tsuag (Natural Resources Educator)

Cov kws kawm paub txog hav zoov nthuav txav cov chav kawm thiab cov kev pab cuam los koom nrog cov tswv av hauv kev tswj xyuas kom ruaj khov ntawm Wisconsin cov hav zoov ntiag tug. Peb caw koj los txuas nrog peb ntawm kev tshaj xov xwm saum huab cua, sau npe rau peb cov ntawv xov xwm email, tshawb xyuas peb lub vev xaib, thiab koom nrog kev tshwm sim Kev Nthuav Txav yav tom ntej.

   @WiscExtForestry

 forestry@extension.wisc.edu

 go.wisc.edu/forestry

Lub Tsev Kawm Ntawv University of Wisconsin–Madison Division of Extension muab cov cib fim uas muaj vaj huam sib luag hauv kev ua hauj lwm thiab kev muab kev pab raws li lub xeev thiab tsoom fwm teb chaws txoj cai lij choj. Koj tuaj yeem thov cov ntaub ntawv ua lwm hom lus los sis hom ntawv kom lawv nkag tau yooj yim dua, los ntawm kev tiv tauj rau forestry@extension.wisc.edu. Tsis muaj nqi ntxiv rau koj them rau cov kev pab cuam no.